



REPUBLIKA E SHQIPËRISË
MINISTRIA E EKONOMISË, TREGTISË DHE ENERGJETIKES
DREJTORIA E PËRGJITHSHME E POLITIKAVE TË ZHVILLIMIT TË
BURIMEVE NATYRORE
DREJTORIA MINERARE DHE INDUSTRIALE

URDHËR

Nr. 615 , datë 02.9.2011

PËR

PËRCAKTIMIN E NJËSISË SE HARTIMIT TË DOKUMENTACIONIT PËR
ORGANIZIMIN E PROCEDURAVE KONKURRUESE, TË KOMISIONIT TË
VLERËSIMIT TË OFERTAVE DHE KRITEREVE TË KUALIFIKIMIT DHE
VLERËSIMIT TË OFERTAVE PËR TË DREJTËN E APLIKIMIT PËR NJË LEJE
MINERARE NË ZONAT KONKURRUESE

Në zbatim të nenit 102, pika 4, të Kushtetutës së Republikës së Shqipërisë, të nenit 5 pika 3, nenit 56 pika 1, të Ligjit Nr.10304, datë 15.07.2010, “Për Sektorin Minerar në Republikën e Shqipërisë”, pikës 5 dhe pikave 7/7 e 7/8 të VKM nr. 320, datë 21.04.2011 “Për miratimin e procedurave e të kriterëve të konkurrimit dhe të afateve të shqyrtimit të kërkesave për marrjen e lejeve minerare në zonat konkurruese”, Urdhrit të Ministrit të Ekonomisë, Tregtisë dhe Energjetikës, nr.588, datë 02.08.2011 “Për miratimin e Planit Vjetor Minerar” dhe të nenit 36/1 të ligjit nr.10081, datë 23.02.2009 “Për licencat, autorizimet dhe lejet në Republikën e Shqipërisë”:

URDHËROJ :

1. Të gjitha zonat minerare të miratuara dhe të publikuara, si zona konkurruese në planin vjetor minerar me urdhrin nr.588, datë 02.08.2011 “Për miratimin e Planit Vjetor Minerar” do të kalojnë në procedurë konkurrimi.
2. Ministria Ekonomisë, Tregtisë dhe Energjetikës është Autoriteti kontraktues.
3. Njësia e hartimit të dokumentacionit për organizimin e procedurave konkurruese, të përbëhet nga 4 (katër) anëtarë si më poshtë:

1. Kryetar nga institucioni i METE

2. Një Anëtar nga institucioni i METE

3. Një Anëtar nga institucioni i AKBN

4. Një Anëtar nga institucioni i SHGJSH

Shërbimi Gjeologjik Shqiptar dhe Agjencia Kombëtare e Burimeve Natyrore, sipas fushës së veprimtarisë që mbulojnë, në përputhje me kërkesat e programit trevjeçar të Strategjisë Minerare, planit vjetor minerar si dhe studimet përkatëse që disponohen nga këto institucione, projekt idetë teknike dhe financiare, bëjnë specifikimet teknike për zonën minerare apo objektin që shpallen për konkurrim brenda zonës minerare që përfshijnë paraqitjen e tij në hartë me shkallë 1:25000 sipas koordinatave shtetërore në planin horizontal, të dhëna gjeologo-minerare, vlerën minimale të investimit që kërkohet të realizohet për objektin në konkurrim dhe të dhëna të tjera për rentabilitetin e investimit.

4. Njësia e hartimit të dokumenteve është përgjegjëse për:

- a) hartimin e dokumenteve të garës, kërkesave për kualifikim, kritereve të konkurrimit, kushteve të plotësimit të këtyre kritereve dhe kritereve të vlerësimit;
- b) hartimin e regjistrit të konkurrimit publik për objektin konkret;
- c) hartimin dhe dërgimin e njoftimeve;
- d) mbledhjen dhe administrimin e dokumenteve të nevojshme, të cilat kanë të bëjnë me procedurën konkurruese;
- e) detyra që i ngarkohen nga komisioni i vlerësimit të ofertave.

Gjatë procesit të hartimit të dokumenteve, mbahet procesverbal, i cili nënshkruhet nga të gjithë anëtarët e njësisë së hartimit të dokumenteve.

5. Numri i zonave që do të hidhet në konkurrim në një procedurë konkurruese do të jepet në urdhrin përkatës të Ministrit të Ekonomisë, Tregtisë dhe Energjetikës për çdo ftesë oferte.
6. Personat anëtarë të njësisë së hartimit të dokumenteve për procedurën konkurruese nuk mund të emërohen anëtarë të komisionit të vlerësimit të ofertave. Anëtarët e njësisë së hartimit të dokumenteve për procedurën konkurruese dhe çdo person që ka marrë pjesë në procedurën e hartimit të dokumenteve kanë detyrimin të ruajnë konfidencialitetin e përmbajtjes së ofertës.
7. Drejtoria Përgjegjëse në METE që trajton problematikën e lejeve minerare mban regjistrin e konkurrimit për zonat minerare. Ky regjistër ruhet dhe administrohet për një periudhë kohe një vjeçare dhe në përputhje me kërkesat e ligjit për arkivat. Regjistri i procedurave konkurruese përmban:
 - a) emërtimin dhe adresën e autoritetit kontraktues;
 - b) zonën minerare apo objektin brenda zonës minerare të shpallur për konkurrim të paraqitur në hartë me shkallë 1:25000 sipas koordinatave shtetërore në planin horizontal dhe të dhëna gjeologo-minerare për objektin në konkurrim;
 - c) vlerën minimale të investimit që kërkohet të realizohet për objektin në konkurrim;
 - d) vlerën minimale të prodhimit që kërkohet të realizohet për objektin në konkurrim;
 - e) emrat e anëtarëve të njësisë së hartimit të dokumenteve të konkurrimit publik;
 - f) emrat e anëtarëve të komisionit të vlerësimit të ofertave;
 - g) emrat dhe adresat e ofertuesve;
 - h) një përmbledhje të vlerësimit dhe të krahasimit të ofertave;
 - i) një përmbledhje të të gjitha kërkesave për sqarim për dokumentet e garës dhe përgjigjen e tyre;

j) një përmbledhje të ankesave të bëra dhe zgjidhjes së tyre.

8. Komisioni i vlerësimit të ofertave përbëhet nga 7 (shtatë) anëtarë si më poshtë:

- | | | |
|---------------|--------------------|--------|
| 1. Kryetar | nga institucioni i | METE |
| 2. Një Anëtar | nga institucioni i | METE |
| 3. Një Anëtar | nga institucioni i | METE |
| 4. Një Anëtar | nga institucioni i | METE |
| 5. Një Anëtar | nga institucioni i | METE |
| 6. Një Anëtar | nga institucioni i | AKBN |
| 7. Një Anëtar | nga institucioni i | SHGJSH |

Në komisionin e vlerësimit të ofertave nuk mund të marrin pjesë:

- Personat që përbëjnë konflikt interesi me ofertuesit sipas kuptimit të ligjit nr.9367, datë 07.04.2005 “Për parandalimin e konfliktit të interesave në ushtrimin e funksioneve publike”;
- Personat që kanë lidhje gjaku, krushqie apo interesi me ofertuesit në procedurë konkurruese;

Kryetari i komisionit është plotësisht përgjegjës për organizimin e punës menjëherë pas krijimit të komisionit. Komisioni zbaton detyrat e tij në pavarësi të plotë dhe nëse kërkohet ndonjë sqarim në lidhje me dokumentet e procedurës konkurruese, këto merren nga njësia e hartimit të dokumenteve. Komisioni nuk kryen asnjë veprim tjetër, përveç atyre të përcaktuara në VKM nr. 320, datë 21. 04. 2011 “Për miratimin e procedurave e të kriterëve të konkurrimit dhe të afateve të shqyrtimit të kërkesave për marrjen e lejeve minerare në zonat konkurruese”, Urdhrit të Ministrit të Ekonomisë, Tregtisë dhe Energjetikes, nr.588, datë 02.08.2011 “Për miratimin e Planit Vjetor Minerar” .

9. Kërkesat për kualifikim dhe dokumentet vërtetuese (origjinale ose fotokopje të noterizuara të lëshuara jo më parë se tre muaj nga dita e hapjes së ofertës) për plotësimin e kërkesave për kualifikim për të siguruar pjesëmarrje në procedurat konkurruese për një zonë minerare përfshijnë:

Kërkesat ligjore: .

- Regjistrimi si person juridik vërtetuar nga Ekstrakti i regjistrit tregtar nga Qendra Kombëtare e Regjistrimit dhe NIPT-i;
- Dokumentet e lëshuar nga Qendra Kombëtare e Regjistrimit që vërtetojnë se Ofertuesi:
 - nuk është në proces falimentimi,
 - nuk është dënuar për shkelje penale, në përputhje me nenin 45/1 të Ligjit për prokurimet publike
 - nuk është dënuar me Vendim të Gjykatës së Formës së prerë, që lidhet me aktivitetin profesional

- c) Dokument që vërteton se kapitalet/asetet e subjektit nuk janë në duart e përmbaruesit gjyqësor apo ekziston një urdhër sekuestroje për to, lëshuar nga Zyra e Përmbarimit;
- d) Dokument që vërteton se subjekti ka plotësuar detyrimet fiskale dhe të gjitha detyrimet e sigurimeve shoqërore, lëshuar nga Administrata Tatimore,

Shoqëritë ofertuese duhet të jenë të regjistruara në regjistrat përkatës profesionale ose tregtare të shtetit në të cilin ato janë themeluar, duke vërtetuar personalitetin e tyre ligjor. Për këtë ofertuesit duhet të dorëzojnë një kopje të Ekstraktit mbi historikun e subjektit të lëshuar nga Qendra Kombëtare e Regjistrimit. Ofertuesi i huaj (shoqëri e regjistruar jashtë territorit të Shqipërisë) duhet të vërtetojë se i plotëson të gjitha kërkesat e renditura më sipër. Nëse dokumentet e sipërpërmendur në pikat nuk lëshohen në shtetin e tyre të origjinës, atëherë ato do të pranohen në formën e deklaratës me shkrim, nën përgjegjësinë e ofertuesit. Nëse gjuha e përdorur në procedurë është shqip, atëherë dokumentet në gjuhë të huaj duhet të shoqërohen me një përkthim të noterizuar në shqip. Në rastet e bashkimit të përkohshëm të shoqërive, çdo anëtar i këtij bashkimi duhet të dorëzojë dokumentet e sipërpërmendur.

Kërkesat për Kapacitetet ekonomike dhe financiare.

Ofertuesi duhet të ketë kapacitete dhe burime financiare të nevojshme për realizimin e planit të investimit në objektin e konkurrimit. Dokumentet që provojnë burime të mjaftueshme financiare të nevojshme për realizimin e investimeve të programuara për të zhvilluar veprimtarinë minerare si dhe/ose një nga vërtetimet për ekzistencën e tyre, përfshijnë:

- a) Një deklaratë nga Banka që konfirmon se personi juridik ka çelur numrin e llogarisë, ku të ketë të depozituara të paktën 20 % të vlerës së investimit të parashikuar për tu realizuar në objektin e hedhur për konkurrim të publikuar;
- b) Një dokument që vërteton se personi juridik ka siguruar një kredi prej një banke, ose subjekti tjetër financiar me vlerë, e cila mbulon investimet që parashikohen të kryhen;
- c) Një kontratë me një investitor, i cili garanton mbështetje financiare për realizimin e programit të investimit. Në këtë rast personi juridik duhet të paraqesë një dokument noterial, në të cilin shprehet vullneti i investitorit për të mbështetur këtë investim, si dhe dokumentet që provojnë burimet financiare të këtij të fundit (garanci bankare, ose bilancet ekonomike të shoqërisë, në të cilën investitori është pronar/aksionar i vetëm, ose aksionar i shumicës së zotërimit të aksioneve/kryesor maxhoritar).
- d) Vërtetime të xhiros vjetore të 3 (tre) viteve të fundit, të lëshuara nga Autoritetet përkatëse, ku shoqëria ka selinë zyrtare. Vlera mesatare neto e fitimit të një viti financiar, referuar 3 (tre) viteve të plota financiare të fundit, më të madhe se 50 % e vlerës së investimit të parashikuar për tu realizuar në objektin e hedhur për konkurrim.

Kërkesat për kapacitetin teknik dhe profesional

- a) Subjekti të ketë realizuar më parë veprimtari minerare të vërtetuar nga referenca për përmbarje të suksesshme të punimeve minerare të ngjashme, të lëshuara nga një ent publik, ose privat, që tregon vlerën, kohën dhe natyrën e punimeve të ekzekutuara, dhe/ose çfarëdolloj dokumenti tjetër që parashikon legjislacioni në fuqi dhe që mund ta vërtetojë një gjë të tillë.
- b) Kualifikimet arsimore dhe profesionale të stafit përgjegjës për drejtimin e

- punimeve;
- c) Dëshmi mbi fuqinë mesatare punëtore të ofertuesit dhe numrit të stafit drejtues;
 - d) Dëshminë e drejtuesit teknik;
 - e) Nëse subjekti fillon këtë aktivitet për herë të parë, duhet të paraqesë:
 - i. Një përshkrim të aktivitetit të mëparshëm;
 - ii. Curriculum Vitae të stafit të tij që do të punojnë për këtë veprimtari;
 - iii. Licencat profesionale që lidhen me ekzekutimin e punimeve të planit të investimit;
 - iv. Dëshminë e drejtuesit teknik
 - v. Dëshmi të mjeteve, pajisjeve teknike në dispozicion apo që mund të vihen në dispozicion të ofertuesit për të realizuar planin e investimit;

10. Ofertuesit janë të detyruar të përgatisin oferta, në përputhje me kërkesat për kualifikim të përcaktuara në këtë pikë. Në të kundërt, ato do të refuzohen si të papranueshme. Ofertuesi përballon kostot që lidhen me përgatitjen dhe dorëzimin e ofertës së tij. Autoriteti Kontraktues nuk është përgjegjës për këto kosto. Oferta dhe të gjithë dokumentet, si dhe korrespondenca që lidhet me ofertën, e shkëmbyer ndërmjet Ofertuesit dhe Autoritetit Kontraktues duhet të përgatitën në gjuhën shqip. Materialet mbështetëse dhe literatura e printuar, që paraqitet nga Ofertuesi mund të jetë e shkruar edhe në një gjuhë tjetër që përdoret gjerësisht në tregtinë ndërkombëtare, me kusht që këto dokumente të shoqërohen me përkthimin e duhur në gjuhën shqipe, të fragmenteve përkatëse që kanë të bëjnë me kërkesat për kualifikim.

11. Kriteret e vlerësimit, dhe dokumentet vërtetuese për plotësimin e tyre plotësohen për pjesën e vlerave minimale të investimit dhe prodhimit për çdo objekt/zonë minerare nga njësia e hartimit të dokumenteve dhe më pas nga ofertuesi në ofertën e tij tekniko-financiare dhe janë si më poshtë:

Kriteret e ofertës teknike dhe financiare

| Kriteret teknike dhe financiare për realizimin e planit të investimit në objektin /zonën minerare nr. shpallur në planin vjetor minerar të vitit 2011, të përfshirë në qarkun e | | | |
|--|--|--|--------------------------------------|
| PËR LEJE MINERARE SHFRYTËZIMI | | | |
| Përshkrimi i kriterit teknik | Kushti minimal i ofertës që përgatitet nga Njësia e hartimit të dokumenteve | Dokumenti i ofertuesit | Vlerësimi për kriterin teknik |
| <p><u>Aftësitë tekniko profesionale të subjektit:</u></p> <ul style="list-style-type: none"> -Curriculum Vitae i aktivitetit të shoqërisë; -Referenca ku vërtetohet se subjekti ka realizuar me parë veprimtari minerare; -Curriculum Vitae i stafit të shoqërisë që do të punojnë për këtë veprimtari; -Kualifikimet arsimore dhe profesionale të stafit përgjegjës për drejtimin e | | <p>Dokumentet e ofertuesit do të vlerësohen për:</p> <ul style="list-style-type: none"> Eksperiencën në veprimtarinë minerare Efektiviteti në veprimtari të mëparshme minerare Përbërjen e stafit për veprimtarinë minerare Kualifikimet, certifikatat dhe licencat profesionale të stafit për veprimtarinë minerare; Eksperiencën e drejtuesit | 15 pikë |

| | | | |
|---|---|--|--------------------------------------|
| <p>punimeve dhe numrit të stafit drejtues;</p> <p>-Licencat profesionale që lidhen me ekzekutimin e punimeve të planit të investimit;</p> <p>-Dëshmi të mjeteve, pajisjeve teknike në dispozicion apo që mund të vihen në dispozicion të ofertuesit për të realizuar planin e investimit;</p> <p>-Dokumente të tjerë që vërtetojnë kapacitetet tekniko-profesionale të subjektit.</p> | | <p>teknik</p> <p>Kapacitetet e mekanikes për veprimtarinë minerare</p> | |
| <p><u>Aftësitë ekonomiko-financiare të subjektit:</u></p> <p>-Kapaciteti financiar i shoqërisë sipas deklaratave bankare;</p> <p>-Kapaciteti financiar që mund të siguroje shoqëria nga kreditimet, apo kompani të tjera vërtetuar nga dokumente noteriale apo letra mbështetëse kreditimi të bankave;</p> <p>-Vërtetime të xhirove vjetore të kompanisë sipas bilanceve të miratuara për kapacitetet e saj financiare.</p> <p>-Dokumente që vërtetojnë investime të ngjashme të suksesshme të kompanisë.</p> <p>-Dokumente të tjerë që vërtetojnë kapacitetet ekonomiko-financiare të subjektit.</p> | | <p>Dokumentet e ofertuesit</p> | <p>20 pikë</p> |
| <p>Prodhimi që mendohet të realizohet në objektin/zonën minerare</p> | <p>Prodhimi minimal që kërkohet të realizohet në objektin/zonën minerare do të jetë jo më pak se ...(.....) ton në vit.</p> | <p>Prodhimi minimal që do të realizohet në objektin/zonën minerare do të jetë ...(.....) ton në vit.</p> | <p>10 pikë</p> |
| <p>Sasia e prodhimit që do të përpunohet</p> | <p>Nuk ka kriter minimal</p> | <p>Sasia e prodhimit që do të përpunohet do të jete ...(.....) ton në vit.</p> | <p>15 pikë</p> |
| <p>Përshkrimi i kriterit financiar</p> | <p>Kushti minimal i ofertës</p> | <p>Vlera e ofertuesit</p> | <p>Vlerësimi për kriterin</p> |

| | | | |
|--|---|---|------------------|
| | | | financiar |
| Vlera e investimit që parashikohet për tu kryer në objektin/zonën minerare | Vlera minimale e e investimit që parashikohet për tu kryer në objektin/zonën minerare është(.....) lek. | Vlera e investimit që parashikohet për tu kryer në objektin/zonën minerare është(.....) lek. | 20 pikë |
| Vlera e produkteve minerare që parashikohet të merren nga veprimtaria minerare në objektin/zonën minerare (kur kemi të bëjmë me leje minerare shfrytëzimi) | Nuk ka kriter minimal | Vlera e produkteve minerare që parashikohet të merren nga veprimtaria minerare në objektin/zonën minerare është(.....) lek. | 10 pikë |
| Vlera e rentabilitetit ekonomik (IRR=....%) | Nuk ka kriter minimal | Vlera e rentabilitetit ekonomik është (IRR=.....%) | 10 pikë |

Kriteret teknike dhe financiare për realizimin e planit të investimit në objektin /zonën minerare nr. shpallur në planin vjetor minerar të vitit 2011, të përfshirë në qarkun e

PËR LEJE MINERARE KËRKIM-ZBULIMI

| Përshkrimi i kriterit teknik | Kushti minimal i ofertës që përgatitet nga Njësia e hartimit të dokumenteve | Dokumenti i ofertuesit | Vlerësimi për kriterin teknik |
|---|--|--|--------------------------------------|
| <p><i>Aftësitë tekniko profesionale të subjektit:</i></p> <ul style="list-style-type: none"> -Curriculum Vitae i aktivitetit të shoqërisë; -Referenca ku vërtetohet se subjekti ka realizuar me parë veprimtari minerare; -Curriculum Vitae i stafit të shoqërisë që do të punojnë për këtë veprimtari; -Kualifikimet arsimore dhe profesionale të stafit përgjegjës për drejtimin e punimeve dhe numrit të stafit drejtues; -Licencat profesionale që lidhen me ekzekutimin e punimeve të planit të investimit; -Dëshmi të mjeteve, pajisjeve teknike në dispozicion apo që mund të vihen në dispozicion të ofertuesit për të realizuar planin e investimit; | | <p>Dokumentet e ofertuesit do të vlerësohen për:</p> <ul style="list-style-type: none"> Eksperiencën në veprimtarinë minerare Efektiviteti në veprimtari të mëparshme minerare Përbërjen e stafit për veprimtarinë minerare Kualifikimet, certifikatat dhe licencat profesionale të stafit për veprimtarinë minerare; Eksperiencën e drejtuesit teknik Kapacitetet e mekanikes për veprimtarinë minerare | 20 pikë |

| | | | |
|--|---|--|---|
| -Dokumente të tjerë që vërtetojnë kapacitetet tekniko-profesionale të subjektit. | | | |
| <u>Aftësitë ekonomiko-financiare të subjektit:</u> -Kapaciteti financiar i shoqërisë sipas deklaratave bankare; -Kapaciteti financiar që mund të sigurojë shoqëria nga kreditimet, apo kompani të tjera vërtetuar nga dokumente noteriale apo letra mbështetëse kreditimi të bankave; -Vërtetime të xhirove vjetore të kompanisë sipas bilanceve të miratuara për kapacitetet e saj financiare. -Dokumente që vërtetojnë investime të ngjashme të suksesshme të kompanisë. -Dokumente të tjerë që vërtetojnë kapacitetet ekonomiko-financiare të subjektit. | | Dokumentet e ofertuesit që vërtetojnë kapacitetet ekonomiko-financiare të tij | 20 pikë |
| Përshkrimi i kriterit financiar | Kushti minimal i ofertës | Vlera e ofertuesit | Vlerësimi për kriterin financiar |
| Vlera e investimit që parashikohet për tu kryer në objektin/zonën minerare | Vlera minimale e e investimit që parashikohet për tu kryer në objektin/zonën minerare është(.....) lek. | Vlera e investimit që parashikohet për tu kryer në objektin/zonën minerare është(.....) lek. | 30 pikë |
| Vlera e investimit që parashikohet për tu kryer për punime minerare kërkim-zbulimi në objektin/zonën minerare e shprehur në % kundrejt vlerës totale të investimit. | Nuk ka kriter minimal | Vlera e investimit që parashikohet për tu kryer për punime minerare kërkim-zbulimi në objektin/zonën minerare është.....(.....) %. | 30 pikë |
| TOTALI | | | 100 pikë |

12. Një Ofertues duhet të paraqesë vetëm një ofertë tekniko-financiare për një zonë konkurruese. Ofertuesit janë të detyruar të përgatisin oferta, në përputhje me kërkesat e përcaktuara në pikat 9 dhe 11 të këtij urdhri. Në të kundërt, ato do të refuzohen si të

papranueshme. Të gjitha vlerat duhet të kuotohen në Monedhën Shqiptare (Lek), duke përfshirë edhe tatimet që zbatohen, por pa përfshirë TVSH. Nëse këto vlera kuotohen në një monedhë të huaj, atëherë ato duhet të kthehen në Lekë Shqiptare dhe kursi i këmbimit duhet të jetë ai i fiksuar nga Banka e Shqipërisë në ditën kur publikohet njoftimi i kontratës dhe duhet të ruhet në atë kurs këmbimi deri në skadimin e periudhës së vlefshmërisë së ofertës. Ofertat duhet të jenë të vlefshme për 60 (gjashtëdhjetë) ditë që nga momenti i skadimit të afatit kohor për dorëzimin e ofertave. Periudha e vlefshmërisë së ofertës fillon që nga momenti i skadimit të afatit kohor për dorëzimin e ofertave.

13. Ofertat do të vlerësohen nga Komisioni i vlerësimit të ofertave në bazë të kriterëve të përcaktuara në pikën 11 të këtij urdhri, dhe fitues do të konsiderohet ai ofertues që ka pikë më tepër në bazë të kriterëve të vlerësimit. Metodologjia e vlerësimit të ofertës tekniko-financiare është si më poshtë:

Metodologjia e vlerësimit

| Kriteret teknike dhe financiare për realizimin e planit të investimit në objektin /zonën minerare nr. shpallur në planin vjetor minerar të vitit 2011, të përfshirë në qarkun e | | | |
|---|--|--------------------------|---|
| PËR LEJE MINERARE SHFRYTËZIMI | | | |
| Përshkrimi i kriterit teknik | Vlera maksimale e pikëve për: | Vlerësimi në pikë | Formula e llogaritjes në pikë për vlerat e ofertuesve |
| Aftësitë tekniko profesionale të subjektit | Nuk ka kriter minimal por jo me shumë se 15 pikë | 15 pikë | $ATP_i = \text{Piket sipas Komisionit të Vlerësimit të ofertave}$ |
| Aftësitë ekonomiko-financiare të subjektit | Nuk ka kriter minimal por jo me shume se 20 pikë | 20 pikë | $AEF_i = \text{Piket sipas Komisionit të Vlerësimit të ofertave}$ |
| Prodhimi që mendohet të realizohet në objektin/zonën minerare | Vlerën maksimale të kriterit | 10 pikë | $P_i = \frac{P_i}{P_{max}} \times 10$ |
| Sasia e prodhimit që do të përpunohet | Vlerën maksimale të kriterit | 15 pikë | $P_{pi} = \frac{P_{pi}}{P_{pmax}} \times 15$ |
| Përshkrimi i kriterit financiar | Vlera maksimale e pikëve për: | Vlerësimi në pikë | Formula e llogaritjes në pikë për vlerat e ofertuesve |
| Vlera e investimit që parashikohet për tu kryer në objektin/zonën minerare | Vlerën maksimale të kriterit | 20 pikë | $VIN_i = \frac{VIN_i}{VIN_{max}} \times 20$ |
| Vlera e produkteve minerare që parashikohet të merren nga veprimtaria minerare në objektin/zonën | Vlerën maksimale të kriterit | 10 pikë | $VP_i = \frac{VP_i}{VP_{max}} \times 10$ |

| | | | |
|--|-------------------------------------|-----------------|---|
| minerare (kur kemi të bëjmë me leje minerare shfrytëzimi) | | | |
| Vlera e rentabilitetit ekonomik (IRR=...%) | Vlerën maksimale të kriterit | 10 pikë | $\frac{V_{Ren_i}}{V_{Ren_{max}}} \times 10$ |
| TOTALI I PIKËVE | | 100 pikë | $P_{ti} = \frac{ATPi + AEFi + Pi + P_{pi} + VINi + V_{pi} + V_{Peri}}{V_{Ren_{max}}}$ |

Ku:

P_{ti} ----- **Pikët totale të llogaritura të ofertuesit (i)**

$ATPi$ ----- Pikët që merr ofertuesi për aftësitë e tij tekniko-profesionale sipas vlerësimit të Komisionit të Vlerësimit të ofertave mbi bazën e dokumentacionit të paraqitur nga ofertuesi.

$AEFi$ ----- Pikët që merr ofertuesi për aftësitë e tij ekonomiko-financiare sipas vlerësimit të Komisionit të Vlerësimit të ofertave mbi bazën e dokumentacionit të paraqitur nga ofertuesi.

Pi ----- Prodhimi që do të realizohet në objektin/zonën minerare nga ofertuesi

P_{max} ----- Prodhimi maksimal që do të realizohet në objektin/zonën minerare

P_{pi} ----- Sasia e prodhimit që do të përpunohet nga ofertuesi

$P_{p_{max}}$ ----- Sasia maksimale e prodhimit që do të përpunohet

$VINi$ ----- Vlera e investimit që parashikohet për tu kryer nga ofertuesi

VIN_{max} ----- Vlera maksimale e investimit që parashikohet për tu kryer

V_{pi} ----- Vlera e produkteve minerare nga ofertuesi

$V_{p_{max}}$ ----- Vlera maksimale e produkteve minerare

V_{Ren_i} ----- Vlera e rentabilitetit nga ofertuesi

$V_{Ren_{max}}$ ----- Vlera maksimale e rentabilitetit

| Kriteret teknike dhe financiare për realizimin e planit të investimit në objektin /zonën minerare nr. shpallur në planin vjetor minerar të vitit 2011, të përfshirë në qarkun e | | | |
|---|--|--------------------------|--|
| PËR LEJE MINERARE KËRKIM-ZBULIMI | | | |
| <i>Përshkrimi i kriterit teknik</i> | <i>Vlera maksimale e pikëve për:</i> | <i>Vlerësimi në pikë</i> | <i>Formula e llogaritjes në pikë për vlerat e ofertuesve</i> |
| Aftësitë tekniko profesionale të subjektit | Nuk ka kriter minimal por jo më shumë se 20 pikë | 20 pikë | $ATPi = \text{Piket sipas Komisionit të Vlerësimit të ofertave}$ |
| Aftësitë ekonomiko-financiare të subjektit | Nuk ka kriter minimal por jo më shumë se 20 pikë | 20 pikë | $AEFi = \text{Piket sipas Komisionit të Vlerësimit të ofertave}$ |
| <i>Përshkrimi i kriterit</i> | <i>Vlera</i> | <i>Vlerësimi në</i> | <i>Formula e llogaritjes në pikë për</i> |

| <i>financiar</i> | <i>maksimale e pikëve për:</i> | <i>pikë</i> | <i>vlerat e ofertuesve</i> |
|---|-------------------------------------|-----------------|---|
| Vlera e investimit që parashikohet për tu kryer në objektin/zonën minerare | Vlerën maksimale të kriterit | 30 pikë | $VIN_i = \frac{VIN_i}{VIN_{max}} \times 30$ |
| Vlera e investimit që parashikohet për tu kryer për punime minerare kërkim-zbulimi në objektin/zonën minerare e shprehur në % kundrejt vlerës totale të investimit. | Vlerën maksimale të kriterit | 30 pikë | $VPkz_i = \frac{VPkz_i}{VPkz_{max}} \times 30$ |
| TOTALI I PIKËVE | | 100 pikë | $Pt_i = ATP_i + AEF_i + VIN_i + VPkz_i$ |

Ku:

Pt_i ----- **Pikët totale të llogaritura të ofertuesit (i)**

ATP_i ----- Pikët që merr ofertuesi për aftësitë e tij tekniko-profesionale sipas vlerësimit të Komisionit të Vlerësimit të ofertave mbi bazën e dokumentacionit të paraqitur nga ofertuesi.

AEF_i ----- Pikët që merr ofertuesi për aftësitë e tij ekonomiko-financiare sipas vlerësimit të Komisionit të Vlerësimit të ofertave mbi bazën e dokumentacionit të paraqitur nga ofertuesi.

VIN_i ----- Vlera e investimit që parashikohet për tu kryer nga ofertuesi

VIN_{max} ----- Vlera maksimale e investimit që parashikohet për tu kryer

$VPkz_i$ ----- Vlera e investimit që parashikohet për tu kryer nga ofertuesi për punimet e kërkim zbulimit e shprehur në përqindje karshi vlerës totale të investimit

$VPkz_{max}$ ----- Vlera maksimale e investimit që parashikohet për tu kryer nga ofertuesi për punimet e kërkim zbulimit e shprehur në përqindje karshi vlerës totale të investimit.

14. Për zbatimin e këtij urdhëri ngarkohen Drejtoria e Përgjithshme e Politikave të Zhvillimit të Burimeve Natyrore dhe institucionet e SHGJSH, AKBN.

Ky urdhër hyn në fuqi menjëherë.

MINISTRI

NASHINAÇO

